

大清會典
工部



大清會典卷之

工部

都水清吏司

器用

凡表函


皇帝恭進

皇太后表文函高三寸長尺有六寸廣六寸杉木質黃

髮繪金雲龍文上

皇太后奏書函高二寸一分長尺有一寸五分廣五寸

八分杉木質糊以黃雲龍紵絲王公百官恭進



皇帝表文。函高六寸。長尺有八寸。廣五寸五分。杉木質。糊以黃綾。恭進。

皇太后表文。

皇后箋文同。

凡尊藏

實錄金匱。高四尺五寸。廣四尺一寸五分。縱二尺二寸。

柘木質。護以銅裏金。琢雲龍文。內貯格四。及裏。

均糊以黃繒。

凡尊藏

玉牒匱。廣四尺。深三尺九寸。箱廣三尺一寸。深尺有九。

寸。高視卷帙以為度。每屆纂修之年。各依成式。增高六寸。杉木質。黃髮者。匱二箱。四。朱髮者。匱二箱。六。均畫金雲龍文。

凡歲藏

記注匱。高二尺。長二尺五寸。廣尺有六寸。松木質。朱髮。

凡啣

詔金鳳。高二尺一寸五分。承以朶雲。廣三尺四寸。均。

銅製抹金。

凡

詔

勅。均用黃紙。

詔書表裏二層。

勅書三等。龍香箋。表裏四層。畫龍箋。三層。印龍箋。二層。

殿試金榜。與

詔書同。

凡世襲佐領印軸。黃紙製。表裏二層。縱尺有五寸五分。橫長數丈。至數十丈有差。四周作螭文。緣以色綾。軸頭用紫榆木。

凡功牌五等。均白紙製。表裏二層。一等功牌。橫

長三尺六寸五分。二等。三尺三寸五分。三等。三尺有五分。四等。二尺八寸五分。五等。二尺六寸五分。均縱尺有五寸五分。餘制與印軸同。

凡糊飾。

太和殿。

保和殿。

中和殿。

文華殿。牕牖。用朝鮮貢紙。歲一糊飾。博縫。用黃綾。二年一糊飾。各

壇

大清會典

工部

三

大清會典
廟牕牖路燈。由太常寺移文。外藩王公。外國貢使館舍。

由禮部。理藩院移文到部。委官糊飾。

凡設案。

朝會慶賀諸典禮。設

表案。

經筵設

御書案。講案。

頒賞設賞案。

賜燕設食案。考試設閱卷案。準各該處移文供用。

凡簪花。進士赴

恩榮燕。所用金飾銀花一枝。綵花五百枝。準禮部移

文置造供用。

凡公署館所需日用器物。及

欽差官。恭齋

詔

勅筒箱鎖鑰之屬。均詳具名目。由部覈給。○造作器

用。需用竹木砂石。由部行直省出產州縣採買

解送。



--	--	--	--	--	--	--	--	--	--	--	--	--	--	--	--	--	--	--

